



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

39 Excommunicationis sententiam in Bulla Coenae Domini contentam, qui imponentes nova pedagia, & gabellas incidant. Dux Sabaudiae in suo dominio habet jura Imperij.

urn:nbn:de:hbz:466:1-10316

- bellis existit, & cum alijs seorsum gregem facit, schismaticus appellatur, Arehid. *in c. inter schisma, numer. 2. 24. quest. 3.* & differunt, quia omnis hæreticus est schismaticus, sed non è contrà, ut per gloss. *in eo. cap. inter hæresim*, & Navar. *eo. capit. 27. 37. numer. 57.* Comprehenduntur sub eadem excommunicatione: Primò quidem scienter legentes, aut tenentes, vel imprimentes libros hæreticorum, seu eos defendentes, ne ad Inquisitorum manus deveniant. Secundò, se subtrahentes ab obedientia mandatorum Apostolicæ Sedis, licet schismatici non sânt.
- Secundò in eandem excommunicationis sententiam incidunt omnes ad universale futurum concilium appellantes: ijque, quorum auxilio, aut consilio fuerit appellatum; per eandem Bull. Cæn. Dom. Clem. Pap. VIII. nu. 2.
- 35 Appellatio enim est provocatio à minori ad majorem judicem, & non valeret consuetudo, quòd à majori ad minorem 39 appellaretur, gloss. *in cap. non putamus, in ver. officiali, de consuetud. in 6.* & esset contra naturam appellationis, Felyn. *in rubr. de appell. circ. princ.* Ideò videmus, quòd à sententia præfecti prætorio non appellatur, *l. i. ff. de off. præf. prætor.* Nec etiam à Principe, vel Senatu, *ut l. i. ff. à qui appell non lic.* & cum Papa sit suprâ concilium ex alibi deductis, ad inferiorem appellari non potest.
- 36 Tertiò † fertur dicta excommunicatio contra omnes piratas, latrunculos maritimos, & illos præcipuè, qui in mari à monte Argentario, usque ad Terracinam discurrentes, eos, qui in illo navigant, prædantur, mutilant, interficiunt, rebusvè, & bonis suis spoliant. Omnesque recepta-
- tores eorundem, & eis auxilium scienter dantes, vel favorem, ut per Navar. *dict. cap. 27. numer. 59.* Sayr. *in Thes. cas. consc. lib. 3. cap. 7. numer. 7.* & *dict. Bulla Cænæ Domini num. 3.*
- 37 Navigantes † enim sunt quasi miserabiles personæ, Abb. *in c. excommunicatio, numer. 3. de raptor.* & propterea Ecclesia eos defendit, Graff. *decis. aur. c. 18. num. 64 par. 1. lib. 4.*
- 38 Quartò † contra rapientes bona Christianorum naufragantium, *ut in eadem Bull. Cænæ Domini, num. 4.* Cajet. *in c. 23. in vers. excommunicatio*, & Navar. *in Manual. cap. 27. numer. 118.* Etiam de jure communi rapientes bona naufragantium incidunt in sententiam excommunicationis ipso facto, *dict. cap. excommunicationi*, & ibi gloss. *in vers. subjacere, de raptor.* & etiam de jure civili bona naufragantium rapientes pœnam incurrunt, *ut in l. 1. & 3. ff. de incendio ruin. & naufr.*
- 39 Quintò † imponentes nova pedagia, & gabellas, vel eas augentes præterquam in casibus sibi à jure, seu ex speciali Sedis Apostolicæ licentia permisis, eandem sententiam excommunicationis incurrunt, *ut in eadem Bull. numer. 5.* Navar. *dict. cap. 27. num. 71.*
- 40 Sextò † fertur dicta excommunicatio contra falsificantes litteras Apostolicas etiam in forma Brevis, ac supplicationes gratiam, & justitiam concernentes, & falso fabricantes litteras Apostolicas in eadem forma Brevis, falsòque signantes supplicationes sub nomine Romani Pontificis, seu Vicecancellarij, aut eorum viceregum, *ut in eadem Bull. Cænæ Domini, num. 6.* Navar. *eodem. capit. 27. numer. 62.* Tolet. *ubi suprâ, c. 22. circ. princ.* & Sayr. *in*